

陸氏南唐書

陸氏南唐

書


四部叢刊續編史部

上海涵芬樓景印  
明錢叔寶手鈔本  
原書葉心高十八  
公分寬十二公分



南唐書序

天曆改元余待罪中執灑監察御史王主敬  
 謂余曰公向在南臺益嘗命郡士戚光纂纂  
 輯金陵志始訪得南唐書其於文獻遺缺  
 大有所考證裨助良多且為之音釋焉因  
 屬博士程繁等就加校訂鐔板與諸史並  
 行之越明年余得告還金陵書適就光來  
 請序按南唐本紀李昇系出憲宗四世間關  
 困匪纔有江淮之地僅餘三十年卒不復  
 振而宋滅之雖為國褊小觀其文物當皆



諸國莫与之並其賢才碩輔固不逮蜀漢  
武侯而張延翰劉仁瞻潘佑韓熙載孫忌徐  
鍇之徒文武才業忠節聲華炳耀一時有  
不可揜矧其間政化得失興衰治亂之蹟有  
可為世鑒戒者尤不可泯也竊謂唐末契丹  
雄盛虎視中原晉漢之君以臣子事之惟謹  
顧乃獨拳二於江淮小國聘使不絕嘗獻橐  
駝并羊馬千計高麗亦歲貢方物意者久  
服唐之恩信尊唐餘風以唐為猶未亡也邪  
宋承五季周統目為僭偽故其國亡而史錄

散佚不彰然則馬元康胡焮等迭有所述今  
復罕見至山陰陸游著成此書最稱有法傳者  
六黨後古有能秉春秋直筆究明綱目統緒之  
旨者或有所考而辯之姑識其端以俟君子余

前叅史館

朝廷嘗議修宋遼金三史而未暇他日太史氏  
復申前議必將有取於是書焉

集賢大學士 奎章閣大學士光祿大夫知

經筵事趙世延序

南唐書目錄

本紀

第一卷

列祖

第二卷

元宗

第三卷

後主

列傳

第一卷

賣衣買書志亦迂  
愛護不異隨侯珠  
有假不返遭神誅  
子孫驚之何其愚

天  
中  
書

三  
徑

宋齊丘

第二卷

周宗

徐鍇

查文徽

邊鎬

第三卷

周本子鄴

柴克宏

何敬洙

王會

張延翰

馬仁裕

游簡言

刁彥能

第四卷

徐玠

高審思

鍾謨  
李德明



常夢錫

史虛白

沈彬

陳况

陳曙

陳陶

江夢孫

毛炳

第五卷

徐知證

徐知諤

徐遊

王建封

王彥儔

朱匡業

朱令贇

王崇文

胡則  
申屠令堅  
劉茂忠

喬匡舜

睦昭符

第六卷

劉彥貞

高越  
兄子遠

盧文進

陳覺李徵古

李德誠子建勳

廖居素

第七卷

張義方

李金全

皇甫暉子繼勳

江文蔚

歐陽廣

第八卷

馮延巳弟延魯

孫忌

廖偃

彭師曷

第九卷

孟堅

陳誨

韓熙載

朱元

第十卷

劉仁贍

潘佑

李平

嚴續

張易

龔慎儀

第十一卷

郭廷謂

張彥卿

林仁肇

盧絳

蒯鰲

陳喬

陳起

第十二卷

周惟簡

鄭彥華

李貽業

劉崇俊

劉洞

江為

汪台符

郭昭慶

伍喬

蕭儼

劉承勳

李元清

盧郢

朱弼

王輿

魏岑

第十三卷

烈祖元敬皇后宋氏

烈祖後宮种氏

元宗光穆皇后鍾氏

後主昭惠國后周氏

後主國后周氏

後主保儀黃氏

烈祖諸子

楚王景遷

晉王景遂

齊王景達

江王景湯

元宗諸子

弘真

弘茂

從善

從鎰

從謙

從慶 從信

後主二子

仲寓

仲宣

第十四卷

雜藝方士

吳廷紹

潘辰

李冠

某御厨

申漸高

譚紫霄

史守冲

潘辰

耿先生

節義

段處常

趙仁澤

張雄

陳襄

永興公主

余洪妻鄭氏

吳媛

第十五卷

浮屠

契丹

高麗

目錄終

南唐書本紀第一

烈祖光文肅武孝高皇帝名昇字正倫氏字彭奴徐州人姓李氏唐憲宗第八子建王恪之玄孫恪生超早卒超生志仕為徐州判司卒官因家焉志生榮榮性謹厚喜從浮屠游多晦跡精舍時號李道者帝以光啓四年十二月二日生于彭城六歲而孤遇亂伯父球携帝及母劉氏避地淮泗至濠州乾寧二年淮南節度使楊行密見而竒之養以為子行密長子渥惡帝不以為兄弟行密乃以與大將徐溫曰是兒狀貌非常吾度渥終不能容故以乞汝遂冒姓徐氏名知誥帝事溫盡子道溫

妻李氏以其同姓鞠養甚至及長身七尺方穎隆準脩  
上短下語聲如鐘精采鏗人常緩步而從者疾行莫能  
及温有疾與其婦晨夜侍病不去温益憂之行密亦謂  
温曰知誥雋傑諸將子皆不逮也天祐六年六月自元  
從指揮使遷昇州防遏使兼樓船軍使治戰艦于昇七  
年五月授昇州副使知州事九年副柴再用平宣州以  
功遷昇州刺史時江淮初定守令皆武夫專事軍旅帝  
獨褒廣吏課農桑求遺書招延四方士大夫傾身下之  
難以節儉自勵而輕財好施無所愛吝以宋齊丘王令  
謀王翊主議論魯禹張洽孫勣徐融為賓客馬仁裕周



宗曹煇為親吏十一年加檢校司徒始城昇州十四年  
五月城成溫來觀喜其制度壯麗徙治焉而以帝為檢  
校太保潤州團練使帝本意在宣州不悅時溫子知訓  
以內外馬步都軍副使專制楊氏驕淫失衆宋齊丘納  
說曰知訓旦暮且敗是行天所贊也十五年朱瑾殺知  
訓馬仁裕自蒜山渡馳告帝帝即日帥師入廣陵定亂  
遂代知訓為淮南節度行軍副使內外馬步都軍副使  
勤儉寬簡盡反知訓之政上下悅服吳王建國以帝為  
左僕射參政事國人謂之政事僕射乘剝亂之後曾未  
期歲紀綱憲度粲然並舉溫雖遙執國政而人情頓已